

Headline	Bekas pegawai TLDM didakwa tipu kontrak telefon bimbit		
MediaTitle	Berita Harian		
Date	16 Jan 2020	Color	Full Color
Section	Nasional	Circulation	82,252
Page No	14	Readership	246,756
Language	Malay	ArticleSize	190 cm ²
Journalist	N/A	AdValue	RM 6,291
Frequency	Daily	PR Value	RM 18,873



Bekas pegawai TLDM didakwa tipu kontrak telefon bimbit

Kuala Lumpur: Seorang bekas Leftenan Komander Tentera Laut Diraja Malaysia (TLDM) didakwa di Mahkamah Sesyen di sini, semalam atas tuduhan menipu membabitkan kontrak pembekalan telefon bimbit Samsung Note 9 berjumlah RM236,000 antara Februari dan Mac tahun lalu.

Mohd Zaidi Mohd Bishan, 34, mengaku tidak bersalah dan memohon dibicarakan sebaik pertuduhan terhadapnya dibacakan jurubahasa di hadapan Hakim Hasbullah Adam.

Berdasarkan kertas pertuduhan, Mohd Zaidi didakwa mendorong Maizatul Nurain Mohamad, 24, untuk menyerahkan 80 unit telefon bimbit Samsung Note 9 berharga RM236,000 kerana mempercayai tertuduh menawarkan kontrak pembekalan telefon bimbit kepada markas TLDM sehingga menyebabkan mangsa mengalami kerugian.

Dia dituduh melakukan kesalahan itu di hadapan Kem Wardieburn, Jalan Genting Kelang, Setapak, di sini, antara 28 Febru-

Fakta Nombor

RM236,000
Nilai

80 unit telefon bimbit
Samsung Note 9

ari dan 8 Mac 2019 dan didakwa mengikut Seksyen 420 Kanun Keseksan, yang memperuntukkan hukuman penjara maksimum 10 tahun, sebat dan denda, jika sabit kesalahan.

Terdahulu, Timbalan Pendakwa Raya, Siti Nur Hajar Hamzah, menawarkan jaminan RM80,000 dengan seorang penjamin dan dokumen perjalanan diserahkan kepada mahkamah.

Bagaimanapun, tertuduh yang tidak diwakili peguam dalam rayuannya memohon dikurangkan

jaminan dengan alasan tidak mempunyai pekerjaan tetap dan hutang yang terpaksa dibayar secara ansuran.

"Ayah saya baru meninggal dunia minggu lalu dan perlu menanggung isteri dan ibu di kampung.

Hakim membenarkan tertuduh diikat jamin RM20,000 dengan seorang penjamin, berserta syarat tambahan pasport diserahkan kepada mahkamah.

Mahkamah turut menetapkan 27 Februari ini untuk sebutan semula kes.